

齊頃公嬖用兵師出無度搆怨於鄰國其狠戾可知也

旅

鹿在澤陂豺傷其麋泣血獨哀

鹿獸名按韻府群玉千年為蒼鹿又百年為白鹿又五百年為玄鹿麋鹿子也

巽

天地閉塞仁智隱伏商旅不行利潤難得

易坤文言曰天地閉賢人隱又復象曰先王以至日閉關商旅不行

允

福德之士懽悅曰喜夷吾相桓三歸為臣賞流子孫

夷吾齊相管仲也三歸臺名嬖人

謂嫁曰歸一娶九女而備三姓

渙

上無飛鳥下乏走獸亂擾未治民勞
於事

無註

節

據斗運樞順天無憂與樂並居

斗宿名南北二斗象皆如斗北極

有五星太乙常居其中是樞星也

中孚

戴瓶望天不見星辰顧小失大福逃

廬外

無註

小過

月削日衰工女下機宇宙滅明不見
三光

無註

既濟

操戟刺魚被髮立憂虎脫我衣狼取
我袍亡馬失財

無註

未濟

兩人俱醉相與悖戾心乖不同爭訟
匆匆

無註

☰
乾下
兌上
夬

戴堯扶禹松喬彭祖西過王母道里
夷易無敢難者

堯唐帝禹夏禹赤松王喬彭祖皆
古仙人名

之乾

狼戾羨謀無言不殊允厭帝心悅以

獲極

無註

坤

歲暮華落陽入陰室萬物伏匿絕不可得

無註

屯

雞鳴失時君騷相憂犬吠不休行者

稽留

無註

蒙

鳧鷖遊涇君子以寧復德不愆福祿來成

詩鳧鷖守成也曰鳧鷖在涇公尸來燕來寧又云公尸燕飲福祿來成

需

薄為藩蔽勁風吹却欲上不得復歸
其宅

無註

訟

東行破車步入危家衡門岳倒無以
為主賣袍續食糟糠不飽

無註

師

青牛白咽呼我俱田歷山之下可以
多耕歲稔時節民人安寧

無註

比

異國殊俗情不相得金木為仇百賊
擅殺

無註

小畜

陰陽精液高熟晚拆胎知成鬼肇生
頭目日有大喜

無註

履

飢蠱作害偏多亂纏緒不可得

無註

泰

清冷如雲為兵導先民人寬急不知

西東

無註

否

班馬旋師以息勞罷役夫嘉喜入戶
見妻

春秋齊師夜遁有班馬之聲註馬
不相見故鳴班別也

同人

坐爭立訟紛紛凶凶卒成禍亂災及

家公

無註

大有

鹿食美草逍遙求飽日暮後門過期

乃還肥澤且厭

無註

謙

田鼠野雛意常欲去拘制籠檻不得

搖動

無註

豫

月趨日步周遍次舍歷險致遠無有

難處

無註

隨

天孫帝子與日月處光榮於世福祿
祉祉

無註

鹽

晨風文翰大舉就温昧過我邑拜無
所得

詩駁彼晨風鬱鬱彼北林晨風鸛也
拜古之善射者

臨

旦生夕死名曰嬰鬼不可得視

無註

觀

疾貧望仕使伯南販開牢擇羊多得
大祥

無註

噬嗑

長城驪山生我大殘涉叔發難唐叔
為患

秦築長城建阿旁宮於驪山涉叔
即陳涉也

賁

娶於姜呂駕迎新婦少齊在門夫子
歡喜

春秋昭公二年夏四月韓須如齊
逆女齊陳無宇送女致少姜少姜
有寵於晉侯謂之少齊姜齊姓

剝

隨時春草舊枝葉起扶疎條桃長大
羨盛華沃鑠舒

無註

復

姬姜既懽二姓為婚霜降合好西施
在前

武王之妃太公呂望之女也周姬
姓太公姜姓封于齊

无妄

戴笠獨宿晝不見日勤苦無代長勞
悲思

無註

大畜

始加元服二十繫室新婚既樂伯季
有得

元服首服也

頤

二室靈臺文所止游靈物備故長樂
無憂

文王以民力為臺為沼而民歡樂

之謂其臺曰靈臺古者朱子有靈臺所以觀侵象望雲物也

大過

久陰霖雨塗行泥潦商人依山市空無有

無註

坎

成壞壓境數為齊病侵伐不休君臣擾憂上下屈竭士民無財

無註

離

南國盛茂黍稷醴酒可以饗養樂我

嘉友

無註

咸

憂在心腹內崩為疾禍起蕭牆意如

制國

左傳意如魯大夫季平子名昭公
二十五年伐季氏孟孫叔孫遂伐
公徒公遜於齊次於陽州

恒

朽根則樹華葉落去卒逢火焱隨風
僵仆

無註

遜

樹表為壇相與期言午中不會寵名
弃廢

司馬穰苴請於齊景公使莊賈監
其軍苴與賈約曰日中會于軍門
苴立表下漏以待賈日中而賈不
至遂斬之

大壯

四足俱走如罷在後德戰不勝敗於
東楚

無註

晉

執轡西朝回還故處麥秀傷心叔父
有憂

無註

明夷

長夜短日陰為陽賊萬物空枯藏於
北陸

漢志日行四陸春東陸夏南陸秋
西陸冬北陸

家人

鷓鴣七子均而不殆長大成就弃而
合好

詩曹風鷓鴣篇云鷓鴣在桑其子

七兮淑人君子其儀一兮其儀一
兮心如結兮

睽

三羊上山馳至大原黃龍負舟遂到
夷傷究其玉囊

史記禹濟江黃龍負舟舟中人懼
禹仰天歎曰吾受命於天竭力以
勞萬民生寄也死歸也余何憂於
龍顏色不變須臾龍俛首低尾而
逝焉

蹇

手足易處頭尾顛倒公為雌嫗亂其
蚕織

無註

解

登高望家殺事未休王政靡盬不得

道遠

四牡勞使臣之詩也云王事靡盬
不遑將父

損

畏昏不行候待旦明燎獵受福老賴
其慶

無註

盥

孤獨特處莫依無輔心勞志苦

無註

遘

山石朽破消崩隋陵上下離心君受
其祟

無註

萃

文母聖子無疆壽考為天下主人受

其福

文母者武王之母太妣也有莘妣
氏之女仁而明道文王嘉之親迎
于渭納以爲妃朝夕勤勞以進婦
道號曰文母生聖子武王周公旦
武王伐紂遂有天下國祚永久受
福無疆也

升

偃傀加俄前後相違言如鼈咳語不
可知

無註

困

五龍俱超強者敢走露我苗稼年歲
大有

無註

井

虎除善猛難為政
駸疲隨軍困於
街箠

驥良馬服鹽車而上大行之阪
遇伯樂輒長鳴出戰國策

華

江南多蝮螫於手足
寃煩詰屈痛徹
心腹

無註

鼎

心無所據射鹿不得
多言少實語成
無事

無註

震

君明主賢鳴求其友
顯德之政可以
履事

無註

良

安上宜官一日九遷踰群越等牧在常山

漢田千秋一日九遷其官

漸

俊諱解謝除去垢汗驚之成患嬰氏

驛殘

無註

歸妹

翁狂嫗盲相牽北行欲歸高邑迷惑不得

無註

豐

醉卧道傍迷旦失明不全我生

無註

旅

北登鬼丘駕龍東遊王叔御后文武

何憂

無註

巽

恬淡無患遊戲道門與神往來長樂

以安

無註

兌

以婚易系抱布自媒弃禮急情卒離

憂悔

詩氓之蚩蚩抱布貿絲又匪我愆

期子無良媒此婦人爲人所棄而

自叙其事以道其悔恨之意也

渙

被服大冠遊戲道門以禮相終身無

殃患

無註

節

大麓魚池陸為海涯君子失行小人相携

無註

中孚

淵泉溢出為我邑崇道路不通孩子心憤

慣當作憤

小過

十里望煙散渙四分形體滅亡可入深淵終不見君

無註

既濟

傳言相誤非姦徑路鳴鼓逐狼不知迹處

無註

未濟

東失大珠西行弃襦時多不利使我
後起

無註

☵
乾上
下
溝

河伯大呼津不可渡往復爾故乃無
大悔

莊子秋水時至百川灌河涇流之
大兩溪涯渚之間不辨牛馬河伯
自喜以為天下之美盡在矣

之乾

蒙被恩德長大成就柔順貞利君臣
合好

無註

坤

東山西山各自止安心雖相望意不
同堂

無註

屯

登山上谷與虎相觸獬為功曹班叔
奔北脫之嘉國

史記龜策傳云郭璞曰獬能制虎
獬刺端分兩岐似鼠少犯近則毛
刺攢起如矢也

蒙

躓跛未起失利後市

無註

需

結珠懷履卑斯以鬼為君奴婢

無註

訟

雞鳴失時民僑勞苦厖吠有威行者
留止

無註

師

陳媯敬仲示兆與姜乃寓營丘八世
大昌

按春秋傳陳媯姓敬仲即陳公子
完曾莊公二十二年奔齊使爲工
正初懿氏卜妻敬仲曰有媯之後
將育于姜八世之後莫之與京姜
齊姓營丘齊所封之地

比

鹿畏人匿俱入深谷短命不長爲虎
所得死於牙腹

無註

小畜

言無約結不成契券般叔季女公孫
爭之強入委禽不悅於心乃適子南
鄭徐吾犯之妹美公孫楚聘之矣
公孫黑又使強委禽焉註云禽鴈
也納采用鴈事見春秋魯昭公元
年般叔未詳

復

鼓瑟歌舞權遺於酒龍喜張口大喜

在後

無註

恭

凶憂災殃日益章明禍不可救三郤
夷傷

按春秋三郤晉大夫郤錡郤隼郤
至成公十七年晉厲公侈多外嬖
欲盡去群大夫而立其左右遂殺

三郤

否

水流趨下遂成東海求我所有買鱸

與鯉

無註

同人

陰為陽賊君不能尅舉動失常利無

所得

無註

大有

離牀失案龜喪其願都市無會叔季

懷恨

無註

謙

雍遏堤防水不得行火慎陽光陰竟

伏藏走歸其鄉

覓當作覓

豫

躄屈復申本乘浮雲貴寵母前

無註

隨

實沈參罰以義斷割次陸服新成我

霸功

實沈參神參虛晉地也罰當作虛

盪

金泉黃寶宜與我市娶嫁有息利得

過母

無註

臨

禹召諸侯會稽南山執玉萬國天下

康寧

史記禹南巡狩會諸侯于塗山執

玉帛者萬國

觀

三蟲作蠱踐跡無與勝毋盜泉君子
不處

按史記鄒陽書里名勝毋曾子不
入盜泉孔子不漱

噬嗑

華葉墮落公歸嫗宅夷子失民潔白

不食

無註

賁

履機懼毀身王子廢終得所欲無有

凶害

無註

剝

道理和德仁不相賊君子攸往樂有

利福

無註

復

合匏同牢姬姜並居

無註

无妄

關雎淑女賢妃偶宜家壽母福祿
長久

詩關雎后妃之德也云關關雎鳩
在河之洲窈窕淑女君子好逑

大畜

騏驥晚乳不知子處旋動悲鳴痛傷
我心

無註

頤

智崑絕理陰孽謀主十日不食困於

申亥

春秋昭公十三年夏四月楚公子比等因四族之徒以入楚殺太子祿及公子罷敵告乾谿之師使叛楚靈王還及訾梁而師潰遂依申亥夏五月王縊于申亥氏

大過

監諸攻玉無不穿齧金麟鳳成形德象君子三仁翼事所求必喜

無註

坎

昧暮乘車以至伯家踰梁渡河濟脫

無他

無註

離

吾有黍梁委積外塲有用服箱運

我藏富於喜糧

無註

咸

喜笑且語不能掩口官爵並至慶賀

盈戶

無註

恒

霧露雪霜日暗不明陰孽生疾年穀

大傷

無註

遯

伯去我東髮擾如蓬寤寐長歎展轉
空牀內懷悵恨摧我肝腸

詩衛風伯兮篇云自伯之東首如

飛蓬又曰願言思伯使我心痲註

云婦人以夫久役於外而作是詩

大壯

亡羊捕牢毋損於憂

無註

晉

販鼠賣卜利少無謀難以得家

鄭人謂玉未理者璞周人謂鼠未

腊者朴周人懷朴過鄭賈曰欲買

朴乎鄭賈曰欲之出其朴乃鼠也

因謝不取出戰國策

明夷

西戎爲疾幽君去室陳子發難項伯

成就

春秋幽王十五年有西夷犬戎之

難幽君即幽王也史記陳勝字涉

秦二世元年起兵於蕪陳子即陳

勝也項伯嘗以身蔽翼沛公卒成

漢業

家人

秋風生哀華落生悲公室多難羊舌氏衰

春秋魯昭公二十八年晉祁盈執祈勝晉侯執祁盈殺之及揚食我食我祁盈之黨也而助亂故殺之遂滅祈氏羊舌氏公室晉室晉侯頃公也

睽

持福厭患去除天殘日長夜盡喜世蒙恩

無註

蹇

新授大喜福復重來樂且日富是惟豐財

無註

解

前頓却躓左跌右逆登高安梯復反

來歸

無註

損

夢飯不飽酒未入口嬰女雖好媒鴈

不許

無註

益

大都王市稠人多寶公孫宜賈資貨

萬倍

無註

夾

兩人俱醉相與悖戾心乖不同爭訟

向向

萃
無註

身無頭足超躄空乖不能遠之中道
廢休失利後時

無註

升

三人俱行六目光明道逢淑女與我
驥子

無註

困

進仕為官不若復田獲壽保年
無註

井

先易後否失我所市騷蘇自苦思吾
故土

無註

革

蘇氏發言韓魏無患張子馳說燕齊
以安

按史記蘇秦說韓魏以合從張儀
說燕齊以連衡

鼎

武庫軍府甲兵所聚非里邑居不可
舍止

無註

震

一身三口莫適所與為孺子牛田氏

主咎

按春秋傳孺子名荼齊景公妾鬻
如所生景公嘗銜繩為牛使荼牽
之故曰為孺子牛

良

西山東山各自止安心雖相均竟未
上堂

無註

漸

不改柯葉和氣中適君子所在安無
怵惕

無註

歸妹

將戍擊亥陽藏不起君子散亂太山
危殆

無註

豐

天官列宿五神舍室宮闕完堅君安
其居

無註

旅

左手把水右手把火如光與鬼不可
得從

無註

巽

逐狐東山水邊我前深不可涉失利
後便

無註

兗

水瀆魚室來灌吾邑衝沒我家與狗
俱遊

未詳

渙

山險難登澗中多石車馳轉擊重載
傷軸擔負善躓跌踣右足

無註

節

糟空無實豚彘不食庶民屈竭離其
居室

糟當作槽

中孚

執熱爛手火為災咎公孫母賴敗我
玉寶

無註

小過

三虎上山更相噬嚙心志不親如仇
與怨

無註

既濟

西家嫁子借隣送女嘉我淑姬賓主
俱喜

無註

未濟

尅身潔已逢禹巡狩錫我玄圭拜受
福祉

書禹貢云禹錫玄圭告厥成功言
水土既平禹以玄圭爲誓而告成
功于舜也水色黑故圭以玄云

易林卷第十一

易林卷第十二

三三坤下
兌上萃

蒙慶受福有所獲得不利出城病人

困棘

無註

之乾

碩鼠四足飛不上屋顏氏淵德未有

爵祿

無註

坤

新受大喜福履重職樂且日富

無註

屯

剋身整已逢禹巡狩錫我玄珪拜受

福祉

書禹貢云禹錫玄圭告厥成功言

水土既平禹以玄圭為贄而告成
功于舜也水色黑故圭以玄云

蒙

置筐失筮輪破無輔家伯為政病我
下土

家伯周幽王臣詩十月之交四章
云家伯為宰又云豔妻煽方處言
由小人用事於外嬖妾蠱惑於內

需

機言不發頑不能達齊魯為仇亡我
葵丘

按春秋僖公九年諸侯盟于葵丘
曰凡我同盟之人既盟之後言歸
于好二十六年齊人侵魯西鄙魯
以楚師伐齊取穀竟亡葵丘之好

訟

亡錐失斧公輸無輔抱其彛器適君子處

公輸子名班魯之巧人也

師

家在海隅繞短深流伯氏難行無目以趨

無註

比

德施流行利之四鄉雨師灑道風伯逐殃巡狩封禪以告成功

巡狩天子巡行諸侯所守之地封禪封土爲壇除地爲禪古者帝王之興每易位而起必封乎泰山所以告成功也

小畜

筐傾筥覆喪我公粒簡伯無禮太師

正食

未詳

履

泥滓汙辱弃捐溝瀆為衆所笑終不
顯祿

無註

泰

彌猴兔走腥臊少肉漏卮承酒利無
所得

無註

否

鹿畏人藏俱入深谷命短不長為虎
所得死於牙腹

無註

同人

南山蘭芝君子所有東家淑女生我

玉寶

蘭香草芝靈草也

大有

左指右揮邪佞侈靡執節無良靈君
以亡

按左傳陳靈公通于夏姬遂為徵
舒所害

謙

鬱快不明為濕所傷眾陰群聚共奪
日光

無註

豫

穿鼻繫棘為虎所拘王母祝福禍不
成災突然脫來

無註

隨

貧鬼守門日破我盆毀鬕傷缸空虚
無子

無註

盪

襄王東帶鄭人是賴莊公卿士皇毋
憂苦

東當作叔襄王周惠王太子名鄭
叔帶襄王之弟惠后之子有寵於
惠后欲立叔帶故襄王避其難出
居于鄭莊公為王卿士皇毋即惠
后也

臨

昭君死國諸夏蒙德異類既同宗我
王室

無註

觀

冬數枯腐常風於道蒙被塵埃左右
勞苦

無註

噬嗑

六爻既立神明喜告文定吉祥康叔
受福

按史康叔名封周武王同母少弟
也周公誅武庚以殷餘民封康叔
於衛作康誥酒誥梓材以命之康
叔之國民大說成王用事舉康叔
爲周司寇賜衛寶祭器

賁

泣涕長訣我心不快遠送衛野歸寧
無子

詩燕燕篇云之子于歸遠送于野
瞻望弗及泣涕如雨傳云衛莊姜

送戴嬀歸于陳而作也

剥

三宿無主南行勞苦東里失利喪其珍寶

無註

復

大斧破木讒佞敗國東閭梁王禍及三子晉人亂危懷公出走

按春秋傳晉獻公三子申生重耳夷吾也獻公聽驪姬之讒殺申生重耳奔蒲夷吾奔屈懷公夷吾子也僖公二十三年自秦逃歸嗣立明年文公立遂出之

無妄

乘風上天為時服軒周旋萬里無有患難

無註

大畜

大樹百根北與山連文君作人受福
萬年

詩云周王壽考遐不作人又曰豈
弟君子遐不作人蓋言文王能變
化鼓舞振作天下之人而人歸之
故受此萬年之福也

頤

陽伏在下陰制祐福生不逢時潛龍
隱處

無註

大過

亂頭多憂搔虱生愁膳夫仲尹使我
無聊

詩十月之交云仲允膳夫膳夫上

士掌王之飲食膳饌者也

坎

江河淮海天之都市商人受福國家富有

無註

離

太山幽谷鳳皇遊宿威儀有叙可以來福

泰山五嶽之東嶽也五經通義一名岱宗王者受命易姓報功告成必於岱宗也東方萬物始交代之

處

咸

山水暴怒壞梁折柱稽難行旅留連愁苦

無註

恒

阿衡服箱太一載行廵時歷舍所之

吉昌

阿衡伊尹號太一星名

遯

三宿無主南行勞苦東里失利喪其

珍寶

無註

大壯

生無父母出門不喜買菽失粟亡我

大乘

無註

晉

安坐玉堂聽樂行觴飲福萬歲日受

無疆一云安坐北堂終夕舉觴福祿

卒歲日受無疆

無註

明夷

登危入厄四時變易春霜變雪物比日
凋落

無註

家人

衣穴履穿無以禦寒細小貧窶不能
自存

無註

睽

目不可合憂來搔足悚惕恐懼去其
邦域

無註

蹇

齋貝贖狸不聽我辭繫於虎鬚牽不
得來

無註

解

伯夷叔齊貞廉之師以德防患憂禍
不存聲芳後時

武王伐紂伯夷叔齊扣馬而諫其
後武王得天下不食周粟而死孔
子曰伯夷叔齊餓於首陽之下民
到于今稱之

損

張王子季爭財相制商君頑嚚不知
所申

衛鞅說秦孝公變法令立徙木之
信孝公大說封鞅商於十五邑號
曰商君心不則德義之經為頑口
不道忠信之言為嚚

益

長城既立四夷賓服交和結好昭君受福

史記秦始皇遣蒙恬北監軍於上郡築長城以遏胡虜而四海混一

夫

千懼萬悅舉事為決獲受嘉慶動作有得

無註

遘

種一得十日益有息仁政獲民四國睦親

無註

升

安子富有東國不殃齊鄭和親顯比以喜

無註

困

九里十山道仰峻難牛馬不前復反
來還

無註

井

鳩杖扶老衣食百口增添壽考凶惡
不起一云鳩杖扶身富及其鄰子孫
壽考慶吊不親

老人食多咽故刻杖爲鳩取鳩食
不咽之義出白帖

革

霧露雪霜日暗不明陰孽爲疾年穀
大傷一云不見日月霧臨霜雪年穀
不登餽糧日絕

無註

鼎

迷行數邪不知東西陰強暴逆道理
不通

無註

震

登高上山見王自言信理我冤得職
蒙恩

無註

艮

三世爲德天祚以國封建少昊魯侯
之福

無註

漸

橋木無息漢女難得橘柚請佩反手
難悔

橋當作喬詩漢廣南有喬木不可
休息漢有游女不可求思言文王

之化被于南國有以變其淫亂之
俗女子以端莊自守故詩人美之

歸妹

東鄰西家來即我謀中告吉誠使君

安寧

無註

豐

褰衣出户心欲北走王孫母驚使我

長生

無註

旅

三日不飲遠水無酒晝夜焦喉傷鬼

為咎

無註

巽

衆口銷金愆言不驗腐臭敗兔入市

不售

無註

允

姬冠應門與伯爭言東家失狗意我不存爭亂忘因絕其所權

無註

渙

祚加明德興我周國公劉文母福流子孫一云祚周福魯

公劉后稷之曾孫太王公劉之九世孫公劉雖在戎狄之間復修后稷之業百姓懷之周道之興實自此始

節

針頭刺手百病瘳愈抑按捫灸死人復起

捫音門炎音久

中孚

元龜象齒大賂爲寶稽疑當否衰微
復起

詩泮水篇元龜象齒大賂南金

小過

故室舊廬消散無餘不如新創可以
樂居

無註

既濟

老狐多態行爲蠱怪驚我主母終無
咎悔

狐妖獸也

未濟

愛子多才起跡空虚避害如神水不
能濡

無註

三三
坤上升

禹鑿龍門通利水泉東注滄海民得
安全

龍門按書禹貢屬雍州在今馮翊
夏陽縣以下皆言禹治水之功

之乾

白鹿鳴呦呼其老小喜彼茂草樂我
君子

詩小雅呦鹿鳴食野之萍又云
以燕樂嘉賓之心

坤

百里南行雖微得明去虞適秦為穆
國卿

百里奚虞人也知虞之將亡遂去
適秦相穆公遂霸西戎

屯

王宜孫喜張名益有寵子善行西得
大壽

未詳

蒙

畫龍頭頸文章不成所求不得失利
後時

無註

需

商子無良相怨一方引剛交爭咎自
以當

無註

訟

衰老困極無齒不食痔病瘡瘵就陰
為室

無註

小畜

牛驥同槽郭氏以亡國破為虛君奔
走逃

按胡傳莊公二十四年齊桓公問
郭父老曰郭何以亡父老曰見善
而不能舉惡惡而不能去所以亡

比

安平不傾載福長生君子以寧

無註

師

鳶生會稽稍巨能飛翱翔桂林為眾
鳥雄

會稽桂林皆地名

履

日中明德盛興兩國仁聖會遇君受
其福臣多榮祿

無註

泰

公劉之居太王所業可以長生拜受
福爵

公劉后稷之曾孫太王公劉九世
孫公劉雖在戎狄之間復修后稷
之業百姓懷之周道之興實自此
始至太王復修后稷公劉之業績
德行義國人皆戴之

否

時凋歲霜君子疾病宗女無辜鄭受
其殃

未詳

同人

濟河踰阨脫母怵惕四叔爲衛使惠
不廢

漢高祖屢欲易太子呂后患之強
要張良畫計良曰帝所不能至者
四人夏黃公東園公綺里季角里
先生卑辭厚禮聘之來則使從太
子入侍此一助也高后從其謀由
是得不廢後立為惠帝

大有

缺破不完殘瘵側偏公孫幽邊跂

後門

無註

謙

延頸遠望昧為目病不見叔姬使伯
憂心

無註

豫

上無飛鳥下無走獸擾亂未清民勞

於事

無註

隨

久陰霖雨塗行泥潦商人休止布空

無有

布當作市

盪

盲者張目跛躄起行瞻望日月與王

相迎

無註

臨

據斗運樞高步六虛權既在手寰宇

可驅國大無憂與樂並居

斗北斗星名北極五星其紐天之

樞也

觀

稼穡不偏重過不傾巧言賊忠傷我
申生

春秋晉獻公嬖驪姬驪姬欲立其
子奚齊譖毀群公子及世子申生

噬嗑

金城鐵郭上下同力政平民親寇不
敢賊

無註

賁

目鏡不明冬災大傷盜華失實十年
消亡

未詳

剝

鰥寡孤獨命祿苦薄入室無妻武子
悲哀

按春秋魯襄公二十五年崔武子

欲娶棠姜筮之其繇曰入其宮不
見其妻凶

復

飲酒醉飽跳起爭鬪伯喪叔僵東家
治喪

無註

無妄

介紹微子使君不殆二國合懽燕齊
以安

史記蘇秦說燕易王曰臣居燕不
能使燕重而在齊則燕重易王許
之乃偽得罪於燕而奔齊齊宣王
以為客卿蘇秦說齊王高宮室大
苑囿以明得意欲以敵齊而為燕

大畜

牽牛繫尾詘折幾死雕世無仁不知

所在

無註

頤

東龍冤獨不知所觸南北困窮王子

危急

無註

大過

疾貧王孫北陸無禪祿命苦薄兩事

孤門

無註

坎

公孫駕醜載遊東齊延陵說產遺季

苧衣

醜當作驪左傳鄭大夫子產吳公

子季札嘗聘鄭與子產相得子產

以紵衣獻季札

离

王良善御伯樂知馬文王東獵獲喜
聖事開福祐賢周發興起

王良古之善御者伯樂古之善相
馬者此喻文王知太公之意按史
呂望姓姜年八十餘釣于渭水西
伯出獵載之以歸尊為太公武王
立為師遂伐紂有天下發武王名

咸

日月不居重耳趨舍遊燕入秦晉國
是霸

重耳晉文公名以驪姬之讒初奔
翟後入秦在外十九年僖公二十
四年入晉是為文公遂霸諸侯

恒

假文翰翼隨風偕北至虞夏國興愛

相得年歲大樂邑無盜賊

虞舜帝國號夏大禹國號

遯

南行無遯延頸後食舉止失利累為
我孫

無註

大壯

開元作喜建造利事平準化負寶海內

殷富

無註

晉

三犬俱走鬪於谷口白鸞不勝死於

阪下

無註

明夷

驕胡大彤造惡作凶無所能成還自

滅身

一作驕胡犬形義通

家人

拜跪贊辭無益於尤大夫頑置使我
生憂

無註

睽

辰以降婁王駕巡狩廣祐施惠萬國
咸喜

降婁宿名戌分巡狩天子巡行諸
侯所守之地也

蹇

牽踰上樓與福俱居勞躬治國安樂
無憂

解

踰音俞牡羊左傳專之踰註美也

白鳥銜餌嗚呼其子挾施張翅來從
其母

無註

損

盲瞽獨宿莫與共食老窮於人病在

心腹

無註

益

登木出淵稍上升天明德孔聖白日

載榮

無註

夫

彭商濟東遷廢上庸佞戾無節失其
寵功

彭越從漢屢立大功封梁王及陳
豨反於代徵兵梁王梁王稱病不

徃高帝怒使人讓之梁王恐欲自
徃謝其將扈輒止之勸王反梁王不
聽遂爲太僕所告漢帝使使掩捕
梁王囚之後赦處蜀

遘

讚陽上舞神明生氣拜禹受福君施
我德

無註

萃

從首至足部分爲六室家離散逐南
乞食

無註

困

民迷失道亂我統紀空使乾革實無
所有

無註

井

刻畫爲飾嫫母無鹽毛嬙西施求事
必得

嫫母無鹽婦人貌之醜惡者毛嬙
即西施貌之美好者

革

居諸日月御暗不明長夜喪中絕其
紀綱

詩日月篇日居月諸照臨下土

鼎

衣裳顛倒爲王來呼成就東國封受
大休

齊詩云顛倒衣裳又云自公召之

震

當變立權摘解患難渙然冰釋六國
以寧

無註

艮

西戎獯鬻病於我國扶陝之岐以保
乾德

獯鬻狄人名周太王避狄人之難
遷于岐山之下居焉

漸

南行逐羊予利喜亡陰孽為病復反
其邦

無註

歸妹

游戲仁德日益有福凶言不至妖孽
滅息

無註

豐

春日新婚就陽曰溫喜樂萬歲獲福

有年一云獲福大椿

無註

旅

陰升陽伏舜失其室相飾不食安巢
如棘

無註

巽

臣尊主卑威權日衰侵奪無光三家

逐公

春秋昭公二十五年九月戌戌伐
季氏叔孫氏孟氏救之三家反攻
公巳亥公遜于齊次于陽州

兗

反言為殘戎女生患亂吾家國父子
相賊

春秋左傳晉獻公嬖驪姬驪姬欲

立其子奚齊賂外嬖梁五東關嬖
五譖毀群公子及世子申生

渙

迎福開戶喜隨我後康伯愷悌治民
以禮

康伯即康侯之義周易晉卦曰康
侯用錫馬蕃庶註云康侯者治安
之侯也

節

日就月將昭明有功靈臺歡賞膠鼓
作人

靈臺文王臺名古者天子有靈臺
所以觀祲象望雲物

中孚

百草嘉卉萌華將出昆蟲扶戶陽明
得所

無註

小過

天所祐助萬國日有福至禍去壽命
長久

無註

既濟

窮夫失居惟守弊廬初憂中懼惟日
兢兢無悔無虞

無註

未濟

買玉得石失其所欲荷蕢擊磬隱世
無聲

語云子擊磬於衛有荷蕢而過孔
氏之門者曰有心哉擊磬乎荷蕢
隱士也

☵上☶下
困

席多針刺不可以卧動而有悔言行俱過

無註

之乾

烏鵲食穀張口受哺蒙被恩德長大成就柔順利貞君臣合好

無註

坤

六鷁退飛爲襄敗祥陳師合戰右股夷傷遂以薨崩霸功不終

春秋僖公十六年正月六鷁退飛過宋都二十二年十一月宋公及楚人戰于泓宋師敗績公傷股二十三年五月公卒傷於泓故也

屯

匍匐出走驚惶悼恐白虎王孫蓐收

在後居中無咎

無註

蒙

庇盧不明使孔德妨女孽亂國虐政
傷仁

孔子爲政於魯齊人聞之懼饋女
樂以沮之季桓子受之不聽政

需

石鼠四足不能上屋顏氏淑德未有
爵祿

無註

訟

襄送季女至于蕩道齊子旦夕久留
連處

季女齊子齊襄公妹曾桓公夫人
也桓公十八年公與夫人姜氏如

齊詩云魯道有蕩齊子庸止

師

麋鹿逐牧飽歸其居還反次舍樂得

自如

無註

比

望尚阿衡太宰周公藩屏湯武立為

侯王

望太公呂尚也阿衡伊尹也太宰

官名周公為太宰

小畜

開廓洪緒王迹所基報以八子功得

侯時

春秋定公四年傳云武王之母弟

八人周公為太宰康叔為司寇聃

季為司空五叔無官五叔即管蔡

成霍毛也周定鼎邾鄆卜年七百
卜世三十

履

八會大都饒富有餘安民利國可以
長居

無註

泰

陰雲四方日在中央人雖昏霧我獨
昭明

無註

否

薄為災虐風吹雲却欲上不得復歸
其宅

無註

同人

昭昭略略非忠信客言語反覆以黑

爲白

無註

大有

三女爲姦俱游高園北背室夜行與伯
笑言禍及乃身寃死誰禱

無註

謙

涉尸留鬼大斧所視文昌司過簡公
亂死

按春秋魯哀公十四年齊陳恒執
簡公于舒州遂死焉

豫

大足長股利出行道困倉充盈踈齒
善市宜錢富家事得萬倍

無註

隨

筐筥錡釜可活百口伊氏鼎俎大福所起

按史記伊尹負鼎俎以滋味說湯致於王道

盪

升高登虛欲有望候駕之北邑與喜相扶

無註

臨

用彼嘉賓政平且均螟蟲不作民得安寧

無註

觀

桃夭少葉婚說宜家君子樂胥長利止居

詩周南桃夭篇桃之夭夭灼灼其

華

噬嗑

東行失旅不知所處西歸無妃莫與
笑語

無註

賁

玩好亂目巧聲迷耳賊敗貞良君受
其咎

無註

剝

明德孔嘉萬歲無虧駕龍巡狩王得
安所

唐虞天子五載一巡狩
戒四方諸侯曰各脩平乃守考乃
戢事無敢不敬

復

同本異葉樂仁上德東鄰慕義來興
吾國

無註

無妄

戴山崔嵬曰高無頽君主我德賜以
家國

無註

大畜

築室合懽千里無患周公萬年祐我
二人

周書洛誥曰我二人共貞公其以
予億萬年敬天之休

頤

養雞生雛畜馬得駒明堂太學君子
所居

無註

大過

雷行相逐無有休息戰於平陸為夷
所覆

無註

坎

委蛇循河北至海涯涉歷要荒君世
無他

無註

離

鴻聲大視高舉神化背昧向明以道
福功

無註

咸

比目四翼來安吾國福喜上堂與我
同床

無註

恒

先穀彘季反謀桓子子從元帥遂行
挑戰為荆所敗

先穀彘季晉臣名桓子晉荀林父
也魯宣公十二年楚子圍鄭晉師
救之荀林父將中軍先穀佐之及
河聞鄭與楚平桓子欲還彘子曰
不可曰子為元帥師不用命誰之
罪也遂請挑戰晉師敗績

遯

三頭六足欲盜東國顏子在邇禍滅
不成

無註

大壯

緣山升木中墜於谷子輿失勞黃鳥
哀作

詩黃鳥子車秦三良子輿即子車

晉

南有嘉魚駕黃取麟魴鯉瀰瀰利來
無憂

詩小雅南有嘉魚篇傳云嘉魚鯉
質鱒鯽肌出沔南之丙穴

明夷

邃氣作雲蒙覆大君塞聰蔽明殷人
賈傷

無註

家人

舉翅攄翼跂望南國延頸却縮未有
所得

無註

睽

坎中蝦蟆乍盈乍虛三夕二朝形消